



Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 29/08/2026

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministère fir Finanzen & Wunnengsbau weiderzeleeden.

An der Äntwert op d'parlamentaresch Fro n°3984 huet de Finanzminister preziséiert, datt de Gewinn beim Verkaf vun enger Immobilië un de Staat, eng Gemeng oder aner öffentlech Acteuren nëmmen ënner bestëmmte Konditiounen ganz steuerbefreit ass.

De Minister erklärt, dass dës Steuerbefreiung gëllt, wann d'Immobilië zum steuerleche Privatverméigen gehéiert huet an d'Transaktioun net op d'Ausübe vun engem gesetzleche Virkafsrecht zeréckgeet. Aanechters gedréint: wann de Staat op säi Virkafsrecht zeréckgräift, da kritt de Verkeefer keng Steuerbefreiung.

Dorausser schléisst een, dass ee Verkeefer, deem seng Immobilie vun enger öffentlecher Instanz opkaaft gëtt, steuerlech anescht erschelt, wéi een, wou de Staat säi Virkafsrecht net zitt.

Et gëtt eng Ënnerscheedung gemaach, jee nodeem ob et sech ëm en direkte Verkaf un de Staat oder ëm eng Transaktioun am Kader vun engem gesetzleche Virkafsrecht handelt.

An deem Zesammenhang wëllt ech de Ministeren dës Froe stellen:

1. Wat ass déi steuerlech a politesch Begrënnung dofir, dass d'Steuerbefreiung net applicabel ass, wann eng öffentlech Instanz hiert gesetzlecht Virkafsrecht ausübt?
2. Ass d'Regierung der Meenung, dass dës Differenzéierung tëschent engem direkte Verkaf an engem Verkaf am Kader vum Virkafsrecht gerechtfäerdegt ass, wann d'Immobilië schlussendlech a béide Fäll un d'öffentlech Hand iwwergeet?



3. Gesäit d'Regierung an, dass dës Reegelung Proprietären am Fall vum Virkafsrecht finanziell benodeelegt?
4. Wäert d'Regierung Ännerungen un dëser Reegelung virhuelen, fir d'Steierbefreiung gesetzlech och op Fäll auszubauen, an deenen de Staat, eng Gemeng, e Gemengesyndikat oder aner öffentlech Acteuren hiert gesetzlecht Virkafsrecht ausüben?

Mat déiwem Respekt,



GOERGEN Marc
Deputéierten

